

Medi-Cal General Property Limitations
liouh haaix deix mienh dugh maiv maaih bun-paaiv puis-dauh horpc gauz zipv
longc ninh mbuo nyei Modified Adjusted Gross Income

Medi-Cal maiv dorch ninh mbuo haaix deix mienh dugh maaih puis-dauh horpc gauz zipv benx Modified Adjusted Gross Income (MAGI) nyei buonc funx bieqc. Meih haih tov naaic taux ninh mbuo goux puis-dauh nyei zoux gong mienh gorngv meih maaih puis-dauh horpc gauz liouh bun Medi-Cal longc ei MAGI leiz wuov. Beiv taux meih maiv gaengh duqv zoux sou-gorn mingh tov nor, meih se haih tov gan yietc diuc naaiv deix jauv-louc oc:

- Yiem njiec nquenc zangc ze'weic domh gorn gunv goux domh zuangx heng-wangc aengx caux nzie weih zuangx mienh jauv-louc. Lorx mangc nquenc zangc ze'weic gorn nyei yietv nyeic waac-fienx yiem njiec naaiv <http://dhcs.ca.gov/COL>. A'fai korh waac lorx taux Medi-Cal tengx nzie mienh gorn zangc yiem njiec naaiv (800) 541-5555.
- Bieqc lorx gan online www.CoveredCA.com
- Gan fonh yiem njiec naaiv **1-800-300-1506**

Yiem naaiv tih mengh fienx sou se porv benx yietv nyeic waac mbuox taux Medi-Cal **zinh zoih bouc dauh** liouh yietc zungv mienh dugh zoux sou mingh tov Medi-Cal aengx caux zipv fu'loqc mienh dugh **maiv** maaih puis-dauh horpc gauz longc MAGI nyei buonc. Oix zuqc bieqc hnyouv hiuv longx naaiv deix waac:

- **Zinh zoih** se oix zuqc funx nzoih yi diuc **ndaudeic** zinh zoih aengx caux **ga'ganh si'jeiv** zinh nyaanh
- **Ndaudeic** zinh zoih se benx kungx deic ndau, biau, biau-ndutv dugh zuqc zinh zoih nyei cuotv nzouv-zinh wuov, zinh zoih saeng-eiz liouh njiouz maengc, dorngx nyaanh, longc nyaanh sou-daan gorn aengx caux dorngx nyaanh sou-gorn
- **Ga'ganh si'jeiv** zinh nyaanh se benx zinh nyaanh siou yiem buoz zangc a'fai maiv zeiz siou yiem buoz zangc nyei nyaanh. Naaiv se lemh jienv cie, jiem nyaanh, saeng-eiz, nyaanh zeiv, siou nyaanh sou-daan yiem gorn zangc, nzaangv, cie trakv, cie-ndaav.
- Zien maaih zinh zoih **nanv duqv zuqc** aengx caux ga'ganh si'jeiv zinh zoih dugh longc gouv funx ndorqc benx puis-dauh horpc wuov
- **Simv guangc bun** a'fai mv zien maaih zinh zoih nanv duqv zuqc a'fai ga'ganh si'jeiv zinh zoih dugh **maiv** gouv funx benx puis-dauh wuov
- **Zinh zoih siou liouh mbungh** se benx zinh zoih nanv duqv zuqc nyei buonc dugh **maiv** guangc simv cuotv a'fai mv zeiz zien maaih haih longc duqv nyei buonc
- **Dingc paaiv benx soux mouc zinh zoih siou liouh mbungh** nyei buonc se benx yietv zungv gapv zunv benx soux mouc zinh zoih dugh nzoi nzuih dingc paaiv bun longc nyei bouc dauh

Liouh benx ze'buonc puix-juang gauz zipv Medi-Cal, meih nyei gapv zunv nanv duqv zuqc nyei zinh zoih yaac maiv dungx jiex ndaangc soux mouc zinh zoih dugh dingc paaiv bun siou liouh mbungh nyei buonc, oix zuqc dorh mienh laanh mbuoqc ziez laan mingh ei corngx funx zinh zoih:

Mbuoqc ziez laanh mienh	Dingc paaiv benx soux mouc zinh zoih
1	\$130,000
2	\$195,000
3	\$260,000
4	\$325,000
5	\$390,000
6	\$455,000
7	\$520,000
8	\$585,000
9	\$650,000
10 a'fai camv faaux	\$715,000

Mbiuv bun jangx: Haaix zanc maaih auv-nqoz doic dugh maaih dauh yiem ga'nyuoz dornx dauh aengx caux maaih dauh maiv zoux gong (yiem biauvenh), dorh nanv duqv zuqc nyei soux mouc zinh zoih jaa bieqc duqv nyei. Haaix hoc siou-setv jiem nyaanh dugh maaih jaax-zinh nyei buonc se guangc simv cuotv mv zuqc funx bieqc. Liouh hoqc mangc yietv nyeic waac-fienx jaa tipv nor, doqc mangc yiem naaiv da' 4 pin oc.

Meih nyei nanv duqv zuqc nyei buonc zinh zoih se **maiv** bun jiex ndaangc dugh ninh mbuo dingc paaiv benx soux mouc siou liouh mbungh nyei buonc oc. Duqv zipv haaix deix soux mouc nyaanh dugh jiex ndaangc naaiv norm dingc paaiv nyei bouc dauh nor haih zoux bun meih caux/fai meih nyei huov jaa **wuaaic puix-juang** liouh zipv Medi-Cal.

Liouh benx ze'buonc puix-juang gauz zipv Medi-Cal, nzunc baav meih oix zuqc maeqv zinh zoih zoqc njiec puix horpc ei dingc paaiv soux mouc zinh zoih siou liouh mbungh nyei buonc ndaangc taux hlaax-jomc dugh meih zoux sou mingh tov Medi-Cal wuov. Se gorngv meih maiv haih maeqv zinh zoih zoqc njiec puix horpc ei dingc paaiv soux mouc yiem naaic norm hlaax dugh yiem meih jiex gorn zoux sou mingh tov nyei ziangh hoc wuov, doqc mangc yiem naaiv **Simv guangc bun: Principe v. Belshé** yiem njiec da'7 pin

Simv guangc bun zinh zoih

(Zinh zoih dugh **maiv** saauv funx bieqc benx puix-juang liouh zipv Medi-Cal)

Ndau-deic zinh zoih

- Benx **dingc torqv deic dauh** (naaiv hoc zinh zoih se benx ndau-deic liouh zoux **biauv** yiem)
 - Haaix zanc dugh ninh zoux sou-ziouv mingh tov nyei mienh a'fai zipv fu'loqc mienh maiv yiem biauvenh wueic haaix diuc sic dauh jauv-louc yaac longx, lemh jienv yiem ga'nyuoz dornx dauh, yaac zuc simv guangc bun ninh mbuo ndaangc beiv taux zinh hoz naaic laanh mienh a'fai zipv fu'loqc mienh corc

- liepc hnyouv daaux nqaang nzuonx mingh yiem naaic norm dorngx nyei.
- Oix zuqc simv guangc bun biau v yiem nyei dorngx beiv taux naaic laanh zoux sou-tov nyei mienh a'fai zipv fu'loqc mienh nyei cai-doix a'fai fu'loqc nyei mienh muoz corc nzipc yiem naaic norm biau v.
- Beiv taux maaic biau v duqv nyaanh daaih yaac oix zuqc simv guangc bun lauh taux 6 hlaax nyieqc bouc dauh se gorngv oix dorh naaic deix nyaanh mingh maaiz siang-biau v yiem.
- **Da'nyeic diuc ndau-deic zinh zoih**
 - Naaiv diuc ndau-deic zinh zoih dugh maiv zeiz zoux saeng-eiz nyaanh (maiv zeiz benx biau v), dorngx nyaanh, longc nyaanh sou-daan gorn a'fai da'nyeic diuc dorngx nyaanh sou-gorn funx benx jaax-zinh camv taux \$6,000 wuov nzunc baav haih simv guanc bun duqv nyei.
 - Liouh simv guangc bun nyei jauv-louc, yiem hnyangx-dong bouc dauh naaic norm zinh zoih deic dauh horpc zuqc zornc duqv nyaanh bieqc benx 6 ber sen ziux maaiz maaic jaaz funx a'fai ih zanc minc zinh jaaz.
- **Ndau-deic zinh zoih dugh longc zoux saeng-eiz a'fai maaiz maaic**
 - Ndau-deic zinh zoih dugh duqv longc liouh maaiz maaic a'fai zoux saeng-eiz wuov se zuqc simv guanc bun mv gunv jiex gorngv funx benx ndongc haaix nyei jaaz aengx caux zornc duqv leic bieqc nyei fai.
 - Naaiv deix simv guangc bun nyei jauv-louc se lemh jienv nyungc baav gaav yiem nyei zinh zoih.

Ga'ganh si'jeiv zinh zoih

- **Yietc pouz cie**
- **Ga'ganh si'jeiv zinh zoih dugh liouh maaiz maaic a'fai zoux saeng-eiz**
- **Ga'ganh si'jeiv nyei ga-naaiv-longc** se lemh jienv lui hou z, lox-hnoi fu'loqc zinh zoih, njiec dingc jiemh aengx caux dorng jaa buoz-ndoqc nzaengc, aengx caux da'nyeic diuc siou-setv
- **Biau v zangc nyungc horng h jaa-dorngx**
- **IRAs, KEOGHs, aengx caux da'nyeic jauv-louc dugh gorngv taux mbenc dingh njiec zoux gong bouc dauh wuov**
 - Naaiv deix nyaanh se horpc zuqc simv guangc bun dugh ninh mbuo huov jaa hmuangv doic dugh maaih haaix laanh mienh gorngv ninh **maiv** oix longc Medi-Cal wuov.
 - Beiv taux naaiv deix nyaanh duqv cai bun haaix laanh mienh dugh maaih mbuoz gorngv oix longc Medi-Cal nyei buonc mi'aqc aengx caux bun benx buonv-zinh aengx caux leic liuz, dugh zengc njiec nyei buonc yaac zorqv longc mv duqv aengx caux **mv** saauv funx bieqc aqv.
- **Zouv-dorng h zorqv cuotv mv duqv a'fai cuotv nyaanh maaiz zouv-dorng h dugh siou nzuonx maiv duqv nyei sou-daan gorn**
- **Maaiz zouv-dorng h nyaanh dugh zorqv cuotv duqv nyei buonc a'fai jaa-ndaangc maaiz zouv-dorng h sou-daan** dugh maaih jaaz-zinh jaaiz taux \$1,500 lemh jienv zengc njiec leic zinh nyaanh bun yietc laanh mienh
- **Zouv-dorng h nyungc horng h jaa-dorngx**
- **Lorh nzo z**

- **Nyungc horngh ga'naaiv-longc** se lemh nzoih TV, electronic jaa-sic, computer, congz, lox-fangx.
- **Saeng-kuv, jae aapv, a'fai gaeng-zuangz**
- **Naaiv deix nanv duqv jienv saav duqv zuqc nyei zinh zoih dugh fih mbuoqc caux soux mouc fu'loqc nyaanh dugh cuotv bun saengv zangc hung haa liouh maaiz beu weih heng-wangc sou-gorn goux zorc mangc baengc-ngaaiz, beu sengh sou-gorn goux lauh ndaav bouc dauh wuov**
- **Doh leiz beu weih maengc-gorn**
 - Nzunc baav da'dauh mienh se haih maaih doh leiz maaiz beu weih maengc-gorn sou dugh gapv zunv jaaz funx benx \$1,500 a'fai zoqc njiec.

Paaiv dingc soux mouc zinh zoih liouh bun haaix deix mienh dugh duqv bieqc a'fai bieqc yiem goux zorc baengc-ngaaiz dornq dugh ninh mv maaih puix-dauh horpc gauz longc MAGI

Se gorngv meih benx daan sin mienh aengx caux yiem njiec goux zorc mangc baengc-ngaaiz dornq dauh:

Se gorngv meih maaih zinh zoih siou benx \$130,000 a'fai gauh zoqc naaiv norm soux mouc.

Beiv taux meih benx dornq jaa mienh aengx caux meih mbuo yi hmuangv domh nzoih yiem njiec goux zorc baengc-ngaaiz dornq dauh aengx caux zinh ndaangc meih mv duqv zoux sou daaih tov jiex Medi-Cal:

- Maeqv benx meih ganh gorqv-zeic zinh zoih caux yietc gouv domh zuangx zinh zoih wuov oix zuqx funx zaaic jaaz benx \$130,000 a'fai gauh zoqc naaic norm soux mouc.
- Se gorngv meih nyei cai-doiz mv duqv zoux sou mingh tov longc Medi-Cal nzunc baav zuqc gorqv-zeic maeqv nzoih yietc zungv zinh zoih liuz zorpc caux yietc gouv domh zuangx zinh zoih. Beiv taux meih ganh a'fai cai-doiz lorqc doih buatec longx maeqv bun nqoi domh zuangx zinh zoih nor nzunc baav meih corc haih tov heuc gaanv mbenc Medi-Cal puix-juang siepv. Ndaangc bieqc mbuoz-liuc yiem naaiv zeiv lorqc doih sou-daan, meih horpc zuqc mingh ca'laangh caux ninh mbuo dengv leiz mienh dugh hiuv duqv Medi-Cal kou-gong gorn wuov porv muangx cing.

Se gorngv meih benx dornq jaa mienh aengx caux meih duqv bieqc yiem njiec goux zorc mangc baengc-ngaaiz dornq dauh:

- Beiv taux meih hnamv daax oix zuqc linh jienv yiem mv gauh zoqc jiex **30** hnoi bouc dauh aengx caux meih nyei cai-doiz se yiem langx zangc, nzunc baav meih nyei cai-doiz oix zuqc dorh naaic deix souz mouc zinh zoih zorpc siou zunv aengx caux gorv-zeic maeqv muonc zinh zoih siou goux. Naaiv deix soux mouc nyaanh se heuc Community Spouse Resource Allowance (CSRA).
- Naaiv deix CSRA soux mouc nyaanh se oix zuqc funx ei hnoi-nyieqc dugh meih zoux sou mingh tov longc Medi-Cal wuov.

- Naaiv deix CSRA soux mouc nyaanh se jaa bieqc yiem naaiv zih hlaax 1 yiem norm-norm hnyangx. Meih corc haih lorx mangc yietc nyeic waac-fienx jaa yiem naaiv Department of Health Care Services website. Naaiv 2022 CSRA se funx zuqc \$137,400.
- Cai doiz dugh yiem njiec ga'nyuoz dornxg dauh gorn zangc (cai-doiz bieqc yiem goux zorc baengc-ngaaz dornxg dauh) nzunc baav oix zuqc dorh gapv zuqc nanv duqv zuqc nyei zinh zoih mingh zorpc goux siou longx benx \$130,000.
- Naaiv deix CSRA dingc soux mouc nyaanh corc haih jaa camv faaux beiv taux cai-doiz dugh yiem njiec langx wuov duqv zipv benx **dingc leiz haapc maaz waac** gornxv heuc tengx bouc sengh a'fai **fcorngh baengh fim leiz bun muangx** se gornxv buac naaic deix **yi** diuc sic dauh jauv-louc benx zien waac:
 - a. Oix zuqc qiemx maaih buonv-zinh nyaanh camv liouh benx zornc nyaanh gorn cingx haih gauz bun ninh mbuo cai-doiz yiem langx zangc buangv bouc dauh gan minimum monthly maintenance needs allowance (MMMNA).
 - Naaiv MMMNA nyei buonc nyaanh yiem naaiv norm hnyangx dauh 2022 se funx yietc hlaax zuqc \$3,435.
 - Naaiv MMMNA nyei buonc nyaanh se ziux hnyangx-dong zuqc zorc puix siang waac-fienx aengx caux nzunc baav lorx mangc waac-fienx yiem naaiv Department of Health Care Services website gorn.
 - b. Qiemx zuqc longc benx nyaanh hlaax camv faaux wueic laaix maaih camv-diuc sic dauh jauv-louc nyaav hoic dugh qiemx zuqc longc nyaanh camv faaux wuov.

Mbiuv bun jangx: Wueic zuqc maaih naaiv deix bouc dauh leiz nyaav hoic zuqc dugh gornxv ninh mbuo cai-doiz yiem langx zangc haih goux siou zinh zoih nyaanh liouh bun ga'nyuoz dornxg dauh cai-doiz haih maaih puix-juang gauz zipv Medi-Cal wuov, nzunc baav meih oix zuqc ca'laangh caux ninh mbuo kou-gong gorn tengx nzie weih doh leiz bun muangx liouh goux mienh goz yiem buonh deic wuov. A'fai qiemx zuqc hoqc hiuv taux gornxv maaih haaix nyungc doh leiz hngxv haaix nyaav hoic meih wuov, mingh lorx ca'laangh caux ninh mbuo dengv doh leiz mienh dugh hiuv duqv Medi-Cal kou-gong gorn wuov.

Zaah gouv funx mangc

Haaix laanh mienh yiem njiec ga'nyuoz gorn zangc dornxg dauh a'fai ninh nyei cai-doiz corc haih tov heuc zaah gouv funx mangc zinh zoih soux mouc nyaanh mv gunv jhex gornxv naaic laanh mienh mv duqv zoux sou mingh tov longc Medi-Cal yaac longx. Meih oix zuqc dingc ziangh hoc bouc dauh yiem njiec nquenc zangc taan nyanc hopv ze'weic domh gorn yiem tengx nzie weih goux heng-wangc aengx caux zuangx mienh ze'weic. Lorx mangc yietv nyeic waac-fienx yiem nquenc zangc ze'weic gorn yiem njiec naaiv <http://dhcs.ca.gov/COL>.

Meih corc oix zuqc dorh sou-gorn mingh bun zaah mangc beu sengh taux yietc zungv zinh zoih jaaz dugh benx meih ndau-deic aengx caux ga'ganh si'jeiv zinh zoih nyaanh wuov. Naaiv diuc zaah mangc beu sengh sou-gorn se lemh jienv nquenc zangc gouv

funx mangc nzouv-zinh, nyaanh zeiv aengx caux siou nyaanh sou-gorn, dingc leiz zaamc haapc maaz waac, zoux saeng-eiz-bieiv sou-daan, beu weih sou-gorn, doh leiz goux hnyangx-dongh leic zinh, bungz laangc goux nyaanh sou-gorn, sou-daan, gaav biauv sou-daan, zoux saeng-eiz maaiz maaic ndau-deic sou-gorn liouh goux maengc, caux/fai zinh nyaanh ze'weic gorn zoux sou-gorn bun haaix deix mienh dugh maaih puix-juang gauz benx zinh zoih ziouv maaiz maaic ndau zoux saeng-eiz a'fai ga'ganh si'jeiv maaih zinh zoih gauz benx ga'ganh a'fai cai-doiz benx ziouv-jaa.

Zanv zinh zoih nyaanh zoqc njiec liouh puix horpc paaiv dingc benx soux mouc bouc dauh waac

Ndaangc Medi-Cal haih nqoi nzuih bun yiem njiec yietc hlaax nyieqc bouc dauh, ninh mbuo oix zuqc dorh goux siou nyei zinh zoih nyaanh zanv soux mouc zoqc njiec a'fai zanv njiec gauh aiv bun-paaiv bouc dauh yiem naaic norm hlaax jomc wuov.

Ze'buonc gauz zipv Medi-Cal benx yietc hlaax nyieqc bouc dauh wuov se maiv haih nqoi nzuih bun longc se gorngv mv zeiz naaic deix nanv duqv zuqc nyei zinh nyaanh dugh maaih ziangh hoc mv zaaic soux mouc bouc dauh yiem njiec naaic norm hlaax nor. Beiv taux meih mv haih dorh zinh nyaanh gouv funx zanv duqv zoqc njiec puix horpc bun-paaiv bouc dauh yiem naaic norm hlaax nor, jiex gorn longc yiem meih zoux sou mingh tov nyei hlaax funx mingh, doqc mangc yietv nyeic waac-fienx jaa yiem njiec **Simv guangc bun: Principe v. Belshé** yiem njiec da'7 pin

Mangc guv yienh:

- Beiv taux zoux sou-tov longc Medi-Cal mienh gapv zunv zinh nyaanh dugh benx simv guangc bun nyei buonc corc maaih nyaanh siou yiem sou-daan gorn zengc njiec \$200,000 yiem yietc hlaax nor, ninh mbuo oix zuqc zanv zoqc njiec naaic norm sou-daan gorn benx \$130,000 yiem yietc hlaax. Maaih cai-doiz nyei mienh oix zuqc zanv zoqc njiec naaic norm sou-gorn benx \$195,000 yiem yietc hlaax.
- Se gorngv maaih cai-doiz mienh juangc yiem ga'nyuoz gorn zangc dorngx dauh aengx caux yiem langx zangc cai-doiz maaih zinh nyaanh gapv zunv yietc zungv jiex ndaangc naaiv CSRA gapv zorpc caux \$130,000 yiem yietc hlaax wuov, ninh mbuo auv-nqoz douc oix dorh naaiv deix gapv zunv nyaanh liouh simv guangc bun nyei buonc zanv zoqc njiec bouc dauh a'fai gauh aiv naaiv CSRA gapv zorpc caux \$130,000 bun puix horpc zinh nyaanh bouc dauh jauv-louc nzengc. Ninh mbuo auv-nqoz doic dugh yiem njiec ga'nyuoc gorn zangc dorngx dauh wuov se maaih bouc dauh ziangh hoc mv gauh zoqc jiex **90** hnoi (gauh lauh yaac duqv beiv taux qiex zuqc heuc dingc leiz zaamc paaiv haapc maaz waac bun) liouh tiuv naaic deix zinh nyaanh yiem naaiv CSRA fungx mingh bun cai-doiz yiem langx zangc wuov. Naaiv diuh jauv-louc se tengx dorh ninh mbuo auv-nqoz doic dugh yiem ga'nyuoz gorn zangc dorngx dauh wuov mingh puix horpc bouc dauh yiem njiec \$130,000 zinh nyaanh bouc dauh bun ninh. Naaiv CSRA yiem njiec 2022 hnyangx dauh se funx zuqc \$137,400.

Haaix deix zoux sou-tov Medi-Cal mienh dugh **maiv zeiz** yiem njiec ga'nyuoz gorn zangc dornxg dauh mienh se haih zanv ninh mbuo zinh nyaanh zoqc njiec liouh benx simv guangc bun nyei buonc bouc dauh gan haaix diuh jauv-louc yaac duqv dugh yiem njiec naaic norm hlaax dugh ninh mbuox oix bun Medi-Cal. Medi-Cal nzunc baav oix zuqc heuc lorx sou-gorn bun zaah mangc benx beu sengh gorngv taux zanv zinh zoih nyaanh zoqc njiec wuov.

Naaiv deix zoux sou-tov nyei mienh yaac **maiv** maaih ze'buonc gauz bun tengx wueic laaix ninh mbuo tiuv zinh nyaanh ziouv wuov mv duqv simv cuotv liouh dorh zoux benx gauh zaanc jaaz ei maaiz maaic baengh fim jaaz (FMV), mv baac zuqc tengx nyei beiv taux ninh mbuo duqv bieqc yiem ga'nyuoz gorn zangc dornxg dauh yiem njiec 30 norm hlaax bouc dauh yiem hnoi-nyieqc dugh ninh mbuo tiuv zinh nyaanh ziouv wuov.

Naaiv diuc tiuv zinh nyaanh ziouv dugh mv duqv simv cuotv guangc bun liouh dorh zanv benx gauh zaanc FMV se benx tiuv zinh nyaanh ziouv-jaa dugh dorh mingh wang-henh fungx, maaic cuotv, a'fai dorh mingh tiuv benx jaaz-zinh zaanc njiec.

Jienv kuv waac-fienx: Beiv taux meih zoux sou mingh tov benx yiem njiec ga'nyuoz gorn zangc dornxg dauh nyei mienh, a'fai benx bieqc yiem ga'nyuoz gorn zangc dornxg dauh mienh yiem njiec 30 hlaax nyieqc yiem hnoi-nyieqc tiuv zinh nyaanh ziouv wuov, aengx caux meih duqv dorh zinh nyaanh tiuv ziouv mingh simv cuotv guangc bun gauh zaanc jaaz liuz FMV, nzunc baav meih haih bouc dauh dangx gorn dugh mv maaih ze'buonc gauz zipv goux zorc mangc baengc zingh yiem njiec Medi-Cal dornxg dauh. Naaiv deix jauv-louc se bun sienv longc liouh zanv bouc dauh dugh mv maaih ze'buonc nyei ziangh hoc:

- Cuotv nyaanh jaauv zorc baengc zaeqv-daan
- Maaiz zornng biau v nyei jaa-dornxg
- Cuotv nyaanh jaauv dornxg biau v nyei zaeqv
- Maaiz lui hou z zuqv
- Zorc biau v
- Cuotv nyaanh jaauv cie-zaeqv
- Cuotv nyaanh jaauv da'nyeic diuc zaeqv
- Jiex gorn cuotv nyaanh yiem sou-gorn (dorh nyaanh maeng bieqc) mv zeiz benx longc bieqc cuotv nyei nyaanh, mangc guv yienh dugh duqv zipv tengx nyaanh gan beu weih sou-gorn daauh bun funx benx simv cuotv guangc bun nyei zinh zoih nyaanh a'fai zoux benx zinh zoih nyaanh daan caux ninh mbuo zoux saeng-eiz maaiz maaic mienh
- Gaav nyaanh yiem jiex guaan soux mouc nyei buonc liouh cuotv bun zorc baengc nyaanh a'fai tov heuc ninh mbuo goux zorc baengc ndie-sai tengx zoux sou tov longc zinh zoih nyaanh liouh beu weih bun benx goux zorc baengc jaaz

Simv cuotv: Principe v. Belshé

Haaix deix miengh dugh mv haih zanv zinh zoih nyaanh zoqc njiec dugh benx jiex guaan soux mouc nyei buonc yiem njiec dugh ninh mbuo zoux sou-tov nyei hlaax a'fai jiex mingh nyei bouc dauh hlaax yiem zoux sou-tov bouc dauh ziangh hoc wuov nzunc baav oix zuqc dorh ninh mbuo nyei zinh nyaanh hluotv nzuonx **longc zoqc njiec** (yiem naaiv jiex mingh) se maaih ze'buonc gauz liouh cuotv benx zorc baengc jaaz aqv. Naaiv

deix jauv-louc nor haih benx zaeqv zengc njiec yiem haaix norm hlaax yaac zeiz, maiv baac buatc naaic norm hlaax corc maaih zaeqv maiv gaengh jaaub sung ei dingc soux mouc zinh nyaanh yiem naaic norm hlaax nyei buonc hnangv. Meih oix zuqc zipv benx ze'buonc gauz, se gorngv meih maaih puix-dauh horpc, **jiex liuz naaiv norm bouc dauh** meih duqv longc jiex guaan soux mouc zinh zoih nyaanh mingh liouh cuotv benx zorc baengc jaaz aengx caux dorh sou-gorn bun nquenc zangc zaah mangc taux naaic deix nyaanh.

Dorh simv cuotv guangc bun nyei buonc zinh nzoih nyaanh tiuv bun siang-ziouv

Zinh zoih nyaanh dugh simv cuotv guangc bun nyei buonc mingh tiuv siang-ziouv (mv funx bieqc) naaiv deix zinh zoih nyaanh haaix zanc yaac duqv, ninh yaac **maiv** haih nyauv hoic dangx bouc dauh maaih ze'buonc gauz nyei jauv-louc, lauh ndongc haaix yaac longx dugh corc funx naaiv deix zinh zoih nyaanh benx simv cuotv guangc bun yiem tiuv siang-ziouv wuov. Naaiv se lemh jienv tiuv siangh-biauv-ziouv a'fai lox-biauv. Duqv zipv benx maaic biauv nyaanh **yaac** oix zuqc funx benx zinh zoih nyaanh, simv cuotv dugh naaic deix nyaanh mingh maaiz siang-biauv yiem njiec 6 hlaax nyieqc ga'nyuoz bouc dauh. Duqv zipv haaix deix nyaanh dugh maaic zinh zoih yiem simv cuotv guangc bun nyei buonc wuov oix zuqc funx benx zinh zoih nyaanh nzengc.

Dorh zinh nzoih tiuv bun siang-ziouv dugh mv duqv simv cuotv guangc bun nyei buonc

Haaix laanh yiem ga'nyuoz gorn zangc dorngx dauh zoux sou-tov mienh a'fai zipv Medi-Cal mienh duqv bieqc yiem ga'nyuoz gorn zangc dorngx dauh yiem njiec 30 norm hlaax bouc dauh ei hnoi-nyieqc tiuv siang-ziouv wuov nzunc baav mv maaih ze'buonc gauz oc, wueic laaix **mv** duqv simv guangc bun zinh zoih nyaanh zoqc njiec ei naaiv FMV.

Haaix hoc zinh zoih dugh mv duqv simv cuotv guangc bun nyei buonc corc haih tiuv benx siang-ziouv se mv haih nyauv hoic taux dangx bouc dauh ziangh hoc dugh mv maaih ze'buonc gauz nyei jauv-louc beiv taux naaic deix zinh zoih duqv tiuv benx siang-ziouv bun taux:

- Cai-doiz (a'fai bun da'nyeic dauh mienh liouh bun ndoqc laanh cai-doiz benx zinh zoih ziouv), **a'fai** bun
- Ninh mbuo bieqc yiem ga'nyuoz gorn zangc dorngx dauh mienh nyei fu'jueiv dugh m'zing maengh, wuaaic camv aengx caux wuaaic fangx ziangh yietc liuz, **a'fai**
- Liepc hnyouv funx dorh zinh zoih tiuv ziouv bun FMV dugh maaih jaaz-zinh fih mbuoqc doic, **a'fai**
- Naaiv deix zinh zoih nyaanh se mv zeiz funx dorh tiuv ziouv liuz haih zoux bun maaih ze'buonc gauz zipv Medi-Cal bouc dauh, **a'fai**
- Yiem njiec bouc dauh ziangh hoc dugh mv maaih ze'buonc gauz liouh goux zorc mangc baengc yiem dorngx dauh wuov yaac haih zoux bun naanc kouv camv.

Dorh lox-biauv tiuv yienc bun siang-ziouv dugh mv duqv simv guangc bun nyei buonc mingh bun haaix dauh ziouv maaih mbuoz yiem da'nyeic ginc sou wuov a'fai tiuv bun haaix dauh ziouv dugh simv cuotv guangc bun nyei buonc zinh zoih yaac **maiv** haih zoux hoic dangx bouc dauh ziangh hoc zipv yiem gorn zangc goux mangc zorc baengc beiv taux naaic hoc zinh zoih kungx wang-henh fungx bun, maaic cuotv, a'fai tiuv benx jaaz zaanc njiec FMV.

Beiv taux lox-biauv maiv duqv simv cuotv guangc bun tengx zanv jaaz njiec FMV liouh tiuv yienc bun da'nyeic dauh ziouv, a'fai naaic hoc zinh zoih maiv duqv simv cuotv guangc bun zaanc njiec FMV, nzunc baav tiuv yienc siang-ziouv-jaa haih nyauv hoic taux dangx bouc dauh ziangh hoc liouh yiem goux zorc baengc dorngx dauh lauh taux 1 mingh taux 30 norm hlaax.

Yiem njiec dangx bouc dauh ziangh hoc dugh mv maaih ze'buonc wuov se zuqc bangc ei zinh zoih jaaz funx liouh jaauv nzuonx bun (funx benx nyaanh dollar jaauv nzuonx dugh mv gaengh zipv siou taux buoz) dorh mingh gouv-mueic maeqv funx gan saengv zangc saeng-eiz cingv gong jaaz funx yiem goux zorc baengc gorn zangc dorngx dauh. Saengv zangc deic dauh gouv-mueic funx tong saengv zangc liouh benx saeng-eiz cingv gong jaaz yiem njiec naaiv norm hnyangx dauh 2022 se funx yietc hlaax zuqc \$10,933.

Mangc guv yienh:

Ninh mbuo yiem njiec ga'nyuoz gorn zangc dorngx dauh mienh zanv zinh zoih nyaanh zoqc njiec liouh tiuv yienc fungx benx \$33,000 benx jhex guaan soux mouc nyaanh liouh wang-henh fungx bun fu'jueiv. Wueic laaix benx zuqc naaic laanh mienh maiv duqv zipv beiv ndorqc funx benx baeng-jaaz gan maaiz maaic jaaz-zinh dugh duqv zipv benx wang-henh fungx nyei nyaanh, cingx zoux bun ninh mbuo **maiv** maaih ze'buonc gauz liouh goux zorc baengc yiem njiec gorn zangc dorngx dauh. Beiv taux saengv zangc gouv-mueic funx ei saeng-eiz mienh cingv gong jaaz liouh cingv mienh goux mangc baengc yietc hlaax funx zuqc \$11,000, se gorngv naaic laanh baengc mienh dangx bouc dauh ziangh hoc dugh mv maaih ze'buonc goux zorc mangc baengc yiem dorngx dauh lauh taux buo hlaax nyieqc, jhex gorn yiem haaix norm hlaax dugh tiuv yienc zinh zoih siang-ziouv wuov. Naaiv deix soux mouc nyaanh se funx zuqc \$33,000 dorh maeqv benx \$11,000 liouh gouv-mueic saeng-eiz mienh cingv gong jaaz. Naaiv laanh mienh corc se haih maaih ze'buonc puix-juang horpc gauz yietc zungv da'nyeic nyungc Medi-Cal gong nyei.

Ninh mbuo bieqc yiem ga'nyuoz gorn zangc dorngx dauh mienh dorh lox-biauv tiuv yienc bun siang-ziouv dugh mv duqv simv cuotv guangc bun nyei buonc inh se mv maaih haaix nyungc jauv-louc nyauv hoic bun dangx bouc dauh ziangh hoc mv maaih ze'buonc goux zorc baengc

Dorh ninh mbuo simv cuotv guangc bun nyei buonc biauv tiuv yienc bun siang-ziouv se mv haih zoux nyauv hoic taux mv maaih ze'buonc gauz zipv goux zorc baengc jauv-louc. Dorh mv simv cuotv guangc bun nyei buonc lox-biauv tiuv yienc bun siang-ziouv se mv haih nyauv hoic taux dangx bouc dauh ziangh hoc liouh goux mangc baengc beiv taux dorh biauv-ziouv mbuoz tiuv yienc bun taux:

- Auv-nqoz doic, **a'fai**
- Fu'jueiv dugh mv gaengh zaaic 21 hnyangx, **a'fai**
- Ninh mbuo fu'jueiv mv gunv gorngv duqv mbuoqc ziez hnyangx yaac longx dugh m'zing maengh, wuaaic camv aengx caux wuaaic fangx ziangh yietc liuz, **a'fai**
- Haaix dauh fu'jueiv dugh mv maaih mbuoz hietv yiem gu'nguaaiz wuov duqv juangc yiem naaic norm biau v lauh taux yi hnyangx bouc dauh ndaangc taux hnoi-nyieqc dugh zipv naaic laanh baengc mienh bieqc yiem ga'nyuoz dorngx dauh wuov aengx caux ninh mbuo benx goux mangc nyei mienh duqv nqoi nzuih bun juangc biau v yiem, div jiex mingh yiem ga'nyuoz dorngx dauh a'fai gorn zangc, **a'fai**
- Muoz-doic oix juangc biau v yiem nyei buonc aengx caux haaix dauh yiem zaaic yietc hnyangx bouc dauh, yiem ba'hnyangx dugh taux hnoi-nyieqc dugh naaic dauh baengc mienh duqv bieqc yiem ga'nyuoz zorc baengc dorngx dauh a'fai gorn zangc dorngx wuov.

Ninh mbuo nquenc zangc oix zuqc corng h mangc longx gorngv ih zanc maaih jauv-louc kouv ndongc haaix **ndaangc** ninh mbuo gouv funx paaiv benx gorngv mv maaih ze'buonc bouc dauh gauz liouh zipv yiem gorn zangc tengx goux zorc mangc baengc. Haaix zanc tiuv yie nc siang-ziouv liuz haih zoux bun dangx bouc dauh ziangh hoc dugh mv maaih ze'buonc gauz wuov, naaic laanh mienh se maaih leiz bouc sengh bun zoux sou-gorn mingh lorx weic tengx faan jiex siang gan corng h baengh fim leiz bun muangx. Naaiv zeiv sou-daan liouh zoux sou lorx weic tengx faan jiex siang se yiem caux naaiv zeiv tih meng h fieng mbuox gorngv taux zoux gong dorng dauh, ngaengc nzuih mv tengx nzie a'fai paaiv benx maaih jaax-jamv puix-juang nyei ga'haav bung sou.